

5.

Na osnovu člana 13. Zakona o pripadnosti javnih prihoda u Federaciji BiH ("Službene novine Federacije BiH", broj 22/06, 43/08, 22/09. i 35/14.), člana 7. Zakona o pripadnosti javnih prihoda na području Tuzlanskog kantona ("Službene novine Tuzlanskog kantona" broj 12/05, 8/06. i 5/09.) i člana 24. Statuta općine Gradačac ("Službeni glasnik općine Gradačac" br. 4/08. i 5/12.), Općinsko vijeće općine Gradačac, na 34. sjednici od 29. 02. 2016. godine, donosi:

**ODLUKA**  
**o dopuni Odluke o općinskim**  
**administrativnim taksama i**  
**Tarifi općinskih administrativnih taksi**

**Član 1.**

U Odluci o općinskim administrativnim taksama i Tarifi općinskih administrativnih taksi ("Službeni glasnik Općine Gradačac" br. 4/14. i 7/15.) u dijelu Odluke VI Oslobođanja od takse u članu 13. dodaje se tačka 12. koja glasi:

"Osobe koje imaju registrovan obrt za obavljanje djelatnosti, a čija imovina i roba je stradala od posljedica elementarne nepogode ili požara u postupcima i radnjama vezanim za odjavu i prijavu obrta. (Dokaz: kopija rješenja o obavljanju obrta izdatog prije elementarne nepogode ili požara i kopija obrasca o prijavi nastale štete).

**Član 2.**

"Ova Odluka stupa na snagu danom donošenja a objavit će se u "Službenom glasniku Općine Gradačac."

**BOSNA I HERCEGOVINA**  
**FEDERACIJA BOSNE I HERCEGOVINE**  
**TUZLANSKI KANTON**  
**OPĆINA GRADAČAC**  
**-Općinsko vijeće-**

Broj: 01-05-60/16  
Datum: 29.02.2016.god.  
G r a d a č a c

**PREDSJEDAVALA**  
**OPĆINSKOG VIJEĆA**  
*Šakić Enir, prof., s.r.*

6a.

Na osnovu člana 24. Statuta Općine Gradačac ("Službeni glasnik Općine Gradačac" broj: 4/08 i 5/12), a u skladu sa usvojenom Strategijom razvoja Općine Gradačac za period 2014-2023. godina, Općinsko vijeće Gradačac, na 34. sjednici održanoj dana 29. 02. 2016. godine, donosi

**Odluku**  
**o usvajanju planova kapitalnih investicija**

**Član 1.**

Ovom Odlukom utvrđuje se pregled programa i projekata koji se odnose isključivo na kapitalne investicije i infrastrukturu i koji će biti finansirani iz sredstava budžeta, učešća mjesnih zajednica, sredstava GSM licence, sredstava od koncesije, sredstava vodnih naknada, kao i sredstava od inostranih donatora.

**Član 2.**

Općinski načelnik će i iz drugih izvora tražiti podršku/kandidaturu za realizaciju projekata koji su navedeni u planovima iz ove Odluke.

**Član 3.**

Realizacija svih navedenih projekata zavisiće od raspoloživosti izvora sredstava.

**Član 4.**

U prilogu ove odluke su prioritetni projekti (Plan kapitalnih investicija općine Gradačac za 2016. godinu i Plan kapitalnih investicija općine Gradačac za period 2016-2018. godina) sačinjeni od Tima za izradu planova kapitalnih investicija imenovanog rješenjem Općinskog načelnika broj: 02-05-1905-1/15 od 08.01.2016. godine, a koji će služiti za kandidovanje i pripremu projekata.

**Član 5.**

Ova Odluka stupa na snagu danom donošenja, a objavit će se u Službenom glasniku Općine Gradačac.

**BOSNA I HERCEGOVINA**  
**FEDERACIJA BOSNE I HERCEGOVINE**  
**TUZLANSKI KANTON**  
**OPĆINA GRADAČAC**  
**-Općinsko vijeće-**

Broj: 01-05-61/16  
Datum: 29.02.2016.god.  
G r a d a č a c

**PREDSJEDAVALA**  
**OPĆINSKOG VIJEĆA**  
*Šakić Enir, prof., s.r.*